

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U TEŠNJU
Broj: 39 0 K 079562 26 K
Dana: 09.07.2026. godine

U IME FEDERACIJE BIH!

Općinski sud u Tešnju, sudija Besima Ajanović, uz sudjelovanje zapisničara Mahmutović Ninele, u krivičnom predmetu optuženog K. F., zbog počinjenog krivičnog djela „Ugrožavanje javnog prometa zbog omamljenosti“ iz člana 333. stav 1. KZ F BiH, a po optužnici Kantonalnog tužilaštva ZE-DO kantona Zenica broj T04 0 KT 0056822 24 od 15.12.2025. godine, nakon održanog ročišta za razmatranje izjavi o priznanju krivnje i izricanja krivično pravne sankcije, u prisutnosti tužitelja Kantonalnog tužilaštva ZE-DO Kantona Edina Čehajić i optuženog K. F. lično, dana 10.06.2026. godine donio je sljedeću:

P R E S U D U

K. F., sin S. i majke N. rođene P., rođen ... godine u T., gdje je i nastanjen u ulici B.broj ., pismen, sa završenom VSS, po zanimanju diplomirani inženjer šumarstva, zaposlen JP ŠPD ZDK d.o.o. Zavidovići, PJ Tešanj, oženjen, vojsku služio, vodi se u vojnoj evidenciji, dobrog imovnog stanja, po narodnosti Bošnjak, državljanin BiH, JMB: ..., neosuđivan,

K R I V J E

što je :

dana 21.01.2024. godine oko 10,40 sati, na području općine Tešanj, upravljajući putničkim motornim vozilom marke „Golf“ reg. oznaka ..., u alkoholisanom stanju sa koncentracijom alkohola u krvi od oko 1,99 promila, iako je bio svjestan da je u alkoholisanom stanju i da su njegove vozačke sposobnosti bile smanjene, te da usljed toga može ugroziti javni promet, na to pristao, pa je postupajući suprotno odredbama člana 174. stav 1. Zakona o osnovama bezbjednosti saobraćaja na putevima u BiH, vozio očigledno nesposoban za sigurnu vožnju i krećući se iz smjera naseljenog mjesta R. ulicom P. L. kroz naseljeno mjesto T. te dolaskom u raskrsnicu ulica P. i B. P. neposredno ispred zgrade PS Tešanj, izgubio kontrolu nad vozilom usljed čega je sišao sa operativne površine kolovoza i prednjim dijelom svog vozila udario u metalnu ogradu koja se nalazi na terasi zgrade, a potom u stakleni izlog stambeno-poslovne zgrade „Stars S1“ od kojeg udara se odbio i udario u još dva pmv koja su se nalazila parkirana na parking prostoru ispred zgrade i to: pmv marke „Seat“ reg. oznaka ..., vlasništvo S. N. i pmv marke „Golf 4“ reg. oznaka ...,

vlasništvo M. K., ugroživši time bezbjednost javnog prometa, pa je tom prilikom na objektu „Stars S1“ nastupila materijalna šteta u iznosu od oko 29.256,00 KM, S. N. u iznosu od oko 14.000,00 KM i M. K. u iznosu od oko 1.000,00 KM,

dakle, kao učesnik u prometu na putevima u alkoholisanom stanju upravljao prevoznim sredstvom, iako je zbog toga bio očito nesposoban za sigurnu vožnju i time tako ugrozio javni promet, dovodeći u opasnost život ili tijelo ljudi i imovinu,

čime je počinio krivično djelo „Ugrožavanje javnog prometa zbog omamljenosti“ iz člana 333. stav 1. KZ F BiH, pa mu se primjenom navedenih zakonskih odredaba i na osnovu odredaba člana 49. i 62. KZ FBiH, izriče

UVJETNA OSUDA

Kojom se optuženom K. F., sin S., B. broj ... općina T., zbog krivičnog djela „Ugrožavanje javnog prometa zbog omamljenosti“ iz člana 333. stav 1. KZ F BiH, utvrđuje kazna zatvora u trajanju od 6 (šest) mjeseci, a koja kazna se neće izvršiti ukoliko optuženi u roku od 2 (dvije) godine računajući od dana pravosnažnosti presude ne učini novo krivično djelo.

Obavezuje se optuženi na plaćanje troškova krivičnog postupka u iznosu od 522,37 KM, te troškova paušala u iznosu od 50,00 KM, u roku od 30 dana od dana pravosnažnosti presude.

Na osnovu odredaba člana 77. stav 2. KZ F BiH optuženom se izriče

MJERA SIGURNOSTI

zabrane upravljanja prijevoznim sredstvom „B“ kategorije u trajanju od 3 (tri) mjeseca računajući od dana pravosnažnosti presude.

Obavezuje se optuženi da oštećenom STAR-S d.o.o. H. K. G. broj . J., nadoknadi materijalnu štetu u iznosu od 29.256,00 KM, oštećenom S. N. u iznosu od 14.000,00 KM, te oštećenom M. K. u iznosu od 1.000,00 KM sve u roku od 30 dana od dana pravosnažnosti presude.

Obrazloženje

Kantonalno tužilaštvo ZE-DO kantona Zenica optužnicom broj: T04 0 KT 0056822 24 od 15.12.2025. godine, optužilo je K. F., sina S., B. broj ..., općina T., zbog počinjenog krivičnog djela „Ugrožavanje javnog prometa zbog omamljenosti“ iz člana 333. stav 1. KZ F BiH, počinjenog na način, vrijeme i mjesto kako je to поближе opisano u optužnici, temeljeći optužbu na dokazima koji su predloženi u optužnici.

Sudija za prethodno saslušanje ovog suda potvrdio je ovu optužnicu dana 19.12.2025. godine.

Na ročištu za izjašnjenje o krivnji optuženi, nakon što je u smislu odredaba člana 13. ZKP-a, poučen o svojim pravima izjavio je da je izvršio radnje na način i vrijeme kako je to opisano u dispozitivu ove presude, da je izvršio predmetno krivično djelo i da priznaje krivnju.

Nakon razmatranja izjave o priznanju krivnje uvjerenje suda je da je do priznanja krivnje došlo dobrovoljno, sa razumijevanjem da je optuženi svjestan svih posljedica i obaveza koje proističu iz priznanja krivnje te da postoji dovoljno dokaza o krivnji optuženog, pa je sud i prihvatio izjavu o priznanju krivnje.

Sud je izvršio uvid u materijalne dokaze prikupljene tokom istrage, i to: Nalaz i mišljenje saobraćajno-tehničkog vještačenja -maj 2025. godine, Rizvan Ermin dipl.ing.saobraćaja, Nalaz i mišljenje neuropsihijatrijskog vještačenja od 24.03.2025. godine, Jabandžić dr Hidajet vještak medicinske struke, Zapisnik o uviđaju PS Tešanj broj: 08-02-11/1-1-18/23 od 21.01.2024. godine; Vještačenje alkohola u krvi i urinu JU Zavod za zdravstvenu zaštitu zaposlenika MUP-a Kantona Sarajevo broj 03-07 502/22 od 28.11.2022. godine na ime I. N., Vještačenje alkohola u krvi JU Zavod za zdravstvenu zaštitu zaposlenika MUP-a Kantona Sarajevo broj 03-07 51/24 od 27.02.2024. godine na ime K. F.; Crtež lica mjesta PS Tešanj broj: 16/24 od 21.01.2024. godine; Foto-dokumentacija PS Tešanj broj: 16/24 od 21.01.2024. godine sa datumom izrade od juna 2024. godine, Ovjerena fco. računa Inter d.o.o. Tešanj broj 100606 od 31.05.2024. godine sa fiskalnim računom i obračunom izvedenih radova; Ovjerena fco. računa „Elektrometal produkt“ broj: 014 od 11.03.2024. godine; Obračun totalne štete na vozilu marke Seat reg. oznaka ..., Agencija PS d.o.o. od 02.04.2024. godine sa fco. saobraćajne dozvole; Naredbu za toksikološko vještačenje KT ZDK broj: T04 0 KTA 0056822 24 od 26.01.2024. godine; Naredbu za psihijatrijsko vještačenje KT ZDK broj: T04 0 KT 0056822 24 od 19.03.2025. godine; Naredbu za saobraćajno-tehničko vještačenje KT ZDK broj: T04 0 KT 0056822 24 od 19.03.2025. godine; Izvod iz kaznene evidencije za osumnjičenog K. F. PS Tešanj od 27.03.2024. godine; Izvod iz prekršajne evidencije za osumnjičenog K. F. PS Tešanj; Popis troškova u predmetu broj T04 0 KT 0056822 24 Kantonalnog tužilaštva Zeničko-dobojskog kantona od 10.12.2025. godine u ukupnom iznosu od 522,37 KM sa prijedlogom da se osumnjičeni obaveže da ih naknadi, a koji se odnose na troškove predmetnih vještačenja, Zapisnik o ispitivanju osumnjičenog K. F. PS Tešanj broj: 08-02-11/1-17-650/25 od 04.07.2025. godine, Zapisnik o saslušanju svjedoka T. H. PS Tešanj broj: 08-02-11/1-17-509/24 od 29.01.2024. godine, Zapisnik o saslušanju svjedoka S.A. PS Tešanj broj: 08-02-11/1-17-77/24 od 23.01.2024. godine, Zapisnik o saslušanju svjedoka S. N. PS Tešanj broj: 08-02-11/1-17-131/25 od 11.02.2025. godine, Zapisnik o saslušanju svjedoka M. K. PS Tešanj broj: 08-02-11/1-17-98/24 od 29.01.2024. godine, pa je cijeneći izvedene dokaze pojedinačno i u njihovoj međusobnoj vezi našao dokazanim da je optuženi počinio radnje opisane u dispozitivu ove presude, odnosno da je optuženi dana 21.01.2024. godine oko 10,40 sati, na području općine Tešanj, upravljajući putničkim motornim vozilom marke „Golf“ reg. oznaka ..., u alkoholisanom stanju sa koncentracijom alkohola u krvi od oko 1,99 promila, iako je bio svjestan da je u alkoholisanom stanju i da su njegove vozačke sposobnosti bile smanjene, te da usljed toga može ugroziti javni promet, na to pristao, pa je postupajući suprotno odredbama člana 174. stav 1. Zakona o

osnovama bezbjednosti saobraćaja na putevima u BiH, vozio očigledno nesposoban za sigurnu vožnju i krećući se iz smjera naseljenog mjesta R. ulicom P. L. kroz naseljeno mjesto T. te dolaskom u raskrslu ulica P. L. i B.P. neposredno ispred zgrade PS Tešanj, izgubio kontrolu nad vozilom usljed čega je sišao sa operativne površine kolovoza i prednjim dijelom svog vozila udario u metalnu ogradu koja se nalazi na terasi zgrade, a potom u stakleni izlog stambeno-poslovne zgrade „Stars S1“ od kojeg udara se odbio i udario u još dva pmv koja su se nalazila parkirana na parking prostoru ispred zgrade i to: pmv marke „Seat“ reg. oznaka ..., vlasništvo S. N. i pmv marke „Golf 4“ reg. oznaka ..., vlasništvo M. K., ugroživši time bezbjednost javnog prometa, pa je tom prilikom na objektu „Stars S1“ nastupila materijalna šteta u iznosu od oko 29.256,00 KM, S. N. u iznosu od oko 14.000,00 KM i M. K. u iznosu od oko 1.000,00 KM.

Iz Zapisnika o uviđaju PS Tešanj broj: 08-02-11/1-1-18/23 od 21.01.2024. godine; Crteža lica mjesta PS Tešanj broj: 16/24 od 21.01.2024.godine i Foto-dokumentacije PS Tešanj broj: 16/24 od 21.01.2024.godine sa datumom izrade od juna 2024. godine, sud je utvrdio da se saobraćajna nezgoda dogodila dana 21.01.2024.godine oko 10;40 sati na području općine Tešanj. Iz navedenih dokaza jasno proizilazi da se optuženi označenog datuma i vremena kretao iz smjera naseljenog mjesta R. ulicom P. L. kroz naseljeno mjesto Tešanj, te dolaskom u raskrslu ulice P. L. i B. P. neposredno ispred zgrade PS Tešanj izgubio kontrolu nad vozilom usljed čega je sišao sa kolovoza i prednjim dijelom svog vozila udario u metalnu ogradu koja se nalazila na terasi zgrade a potom u stakleni izlog stambeno poslovne zgrade STAR-S 1 od kojeg udara se odbio i udario u još dva pmv koja su se nalazila parkirana na parking prostoru ispred zgrade. Na licu mjesta zatečena su oštećenja koja po svom obimu i položaju u potpunosti odgovaraju opisanoj dinamici kretanja i nastanka sudara.

Stanje omamljenosti i očigledne nesposobnosti za vožnju sud je utvrdio na osnovu Nalaza i mišljenja neuropsihijatrijskog vještačenja od 24.03.2025. godine, Jabandžić dr Hidajet vještak medicinske struke, koji je u svom nalazu i mišljenju naveo da je optuženi u momentu saobraćajne nezgode imao približno 1,99 promila alkohola u krvi i da je u takvom stanju optuženi bio u potpunosti nesposoban za sigurnu vožnju u vrijeme sporne saobraćajne nezgode.

Povezanost između omamljenosti alkoholom i nastupanja zabranjene posljedice sud je utvrdio kroz Nalaza i mišljenja vještaka saobraćajne struke Rizvan Ervin dipl.ing.saob. od maja 2025.godine, koji je u svom nalazu naveo da psiho-fizičke karakteristike vozača pmv „Golf 5“ tj. optuženog kao posljedica visokog stepena alkoholiziranosti su rezultat nekontrolisanog upravljanja vozilom od strane optuženog i izletanje sa operativne površine kolovoza čime je optuženi i postupio suprotno odredbama člana 174. stav 1. ZOOBS-a na putevima BiH. Dakle, optuženi je kao učesnik u prometu na putevima u alkoholisanom stanju upravljao prevoznim sredstvom iako je zbog toga bio očito nesposoban za sigurnu vožnju i time tako ugrozio javni promet dovodeći u opasnost život ili tijelo ljudi i imovinu, a kako je to sve pobliže opisao u izreci ove presude.

U ovakvim radnjama optuženog stiču se sva bitna obilježja bića krivičnog djela „Ugrožavanje javnog prometa zbog omamljenosti“ iz člana 333. stav 1. KZ F BiH.

Optuženi je bio svjestan da je u alkoholisanom stanju i da su njegove vozačke sposobnosti bitno smanjene, te da usljed toga može ugroziti javni promet na što je u konačnosti pristao, dakle optuženi je postupao sa eventualnim umišljajem, pa kako ne postoje okolnosti koje isključuju krivičnu odgovornost optuženog sud je istog oglasio krivim i osudio kao u izreci presude.

Prilikom odlučivanja o vrsti i visini krivično pravne sankcije, sud je cijenio na strani optuženog sve okolnosti koje su od značaja za odmjeravanje kazne. Od olakšavajućih okolnosti sud je našao da optuženi priznaje izvršenje djela koje mu se stavlja na teret, što je doprinjelo ekonomičnosti postupka, da pokazuje iskreno kajanje, njegovo korektno držanje pred sudom i da do sada nije osuđivan, od otežavajućih okolnosti sud je cijenio visok stepen alkoholisanosti kao i visinu nastale materijalne štete na tuđu imovinu, pa imajući u vidu navedene olakšavajuće i otežavajuće okolnosti sud je optuženog osudio na kaznu zatvora u trajanju od 6 (šest) mjeseci, koja kazna se neće izvršiti ukoliko optuženi u roku od 2 (dvije) godine dana od dana pravosnažnosti presude ne učini novo krivično djelo, smatrajući da je ova krivično pravna sankcija adekvatna težini krivičnog djela kao i ličnosti učinioa i da će se sa izrečenom kaznom postići opšta svrha kažnjavanja, kako sa aspekta generalne tako i specijalne prevencije.

U skladu sa odredbama člana 199. ZKP FBiH optuženi je obavezan da na ime troškova krivičnog postupka plati iznos od 522,37 KM, te troškova paušala u iznosu od 50,00 KM, u roku od 30 dana od dana pravosnažnosti presude.

Na osnovu odredaba člana 77. stav 2. KZ F BiH optuženom je zbog opasnosti od ponavljanja krivičnog djela, te radi zaštite javnog interesa i bezbjednosti ostalih učesnika u saobraćaju izrečena mjera sigurnosti zabrane upravljanja prijevoznim sredstvom „B“ kategorije u trajanju od 3 (tri) mjeseca računajući od dana pravosnažnosti presude.

Oštećeni STAR-S 1, S. N. i M. K. su u toku istrage postavili imovinsko-pravni zahtjev tražeći da im se nadoknadi šteta u visini dosuđene. Optuženi je u toku krivičnog postupka izjavio da je štetu namirio međutim o tome nije dostavio dokaze, pa je sud na osnovu odredaba člana 212. stav 3. ZKP FBiH obavezao optuženog da oštećenom STAR-S d.o.o. H.K. G- broj 1 J., nadoknadi materijalnu štetu u iznosu od 29.256,00 KM, oštećenom S. N. u iznosu od 14.000,00 KM, te oštećenom M. K. u iznosu od 1.000,00 KM sve u roku od 30 dana od dana pravosnažnosti presude.

Na osnovu svega navedenog odlučeno je kao u dispozitivu presude.

PRAVNA POUKA:

Protiv ove presude dozvoljena je žalba
Kantonalnom sudu u Zenici putem ovog suda

SUDIJA

Besima Ajanović

u roku od 15 dana od dana prijema presude.